

Ilitokhaktayagani Tigukluknik C-mik Aneagutikakmagaa



Hunaova Aokluknik C?

Tigukluknik C tigukmi aneagutaoyok tigukluknik C-mi kupilgukmin. Inoen tigukluknik C-mik aneagutikalipaktun aovaloen kupilgukaktun aokmugagaagata. Itigaagamik, anealaktivaga tiguk pikpaloekhogolo tokloaktok igaloani. Pikpaloekpaleakpan, ayokhalikpaktok tiguk halomakhiyaagani timimi inoelo anealalikpealaktun.

Ilagini inukni tigukluknik C-kaktoni, kupilguk pekpaktok hivulikni siksini tatkiheotini aneagutaolgaktologo. Amigaetoni inukni, kupilguk timimeginaktok siksini tatkiheotin natkooaktologin. Talvuna, tigukluknik C pekhuguyok inminik, kiheani hanaotikhakaktok ahivageagani kupilguk timimin.

Kanok Tigukluknik C Heamayakpakpa?

Ukoa ilagin tigukluknik C itikpaktok timimun:

- Atuvaakata kapiyotivaloen uvinikmun, ukoa kakininun pinikhaotin timimilunen putoleogutininik;
- Avamun atukatigekpata inoen aokaktonik, ila umeyaotininik, kukeyaotininiklo kigutigikhaotininiklo;
- Higaeyaotilogo nunakitilogulunen, aknak aneagutikaktok tigukluknik C-mik nutagakhaminun tonilaktaa;
- Atukan kavlutininik pikotininiklunen hilukpan kigagun imigaknaktunik ukoa atoktaohimakpata aalamin;
- Aoktakhiguvini himaohiktaokpalunen ilgaviknetok ilitkhaktaohimagitpata tigukluknik C-mik;
- Atuvaakata monakhin pikotaen ataoheklotin atogeakaktun, ila kavlutin aneagitaagani; unalo
- Pugitominik nuleaknikpan aokaknikalo nuleaktologin.

Huk ilitokhaktayageakakik tigukluknik C-mik aneagutikakmagaa?

- Ilitokhaknik talvatoak naonaegutaoyok aneagutikakniguvini tigukluknik C-mik;

- 250-taosan kanitoani inoen angeagutikaktun tigukluknik C-mik Kanatami. Amigaetun aneagutigin tigukluknik C-mik kaoyimagitun pikaknigiyamiknik;
- Amigaetun inoen aneagutikaktuyaagitun amihun ukeon anigutakinagin tigukluknik C-mik pilgaktologin; unalo
- Havaotikhakagitok tigukluknik C-mik aneagutikakan. Aneagutikagitaagani tigukluknik C-mik pitaellotin kupilgukmik.

Kanok ilitokhaktayageakakik tigukluknik C-mik aneagutikakmagaa?

Malgoeklotin aokun ilitokhaktayageakaktotini aneagutikakmagaa tigukluknik C-mik.

- **Hivulik ilitokhaon: tigukluknik C-mik akigaktoeyukhamik timimi** atoktaovaktok inuk aktoktaohimakmagaa tigukluknik C-min. Tigukluknik C itikaagaagan aokmun, akigaktoeyun timimi hana-vaktok akigaktutikhanik kupilgomik. Tigukluknik C akigaktutaoyunik ilitokhaon kinikheayotaoyok tigukluknik C-mik akigaktutaoyonik aokmi.
- **Pikaginiganik** ilitokhaon tokikaktok inuk aktokhihimaginiganik tigukluknik C-min.
- **Pikakniganik** ilitokhaon tokikaktok inuk aktoktaoniganik tigukluknik C-min. Kiheani, akigaktutaoyun timimeginaktun kinalikaa pikagoegaloaktologo kupilgunik. Kigoagun ilitokhaktayageakaktok naonaegutaokman kupilguk timimeginakmagaa.
- **Tuklik ilitokhaon: Kupilgukakmagaa ilitokhaenik** naonaegutaoyok tigukluknik C-mik aneagutigivale-aginakmagaa. Pikaginiganik kupilgumik tokikaktok inuk tigukluknik C-mik pikaginiganik. Pikakniganik ilitokhaon tokikaktok inuk tigukluknik C-mik pikakniganik.

Ilitokhaktayageakakik pikagitokaknikan kanokli?

Ilitokhakniga takukhaoyokaginikan tigukluknik C-mik kupilgumik timigiyakni, monaktivin okakvigiyageakaktaatin ukuniga:

- Monagilotin iliknik angeagutikagitaaknik tigukluknik C-mik aheniklunen tigukluknik A-mik B-miklunen HIV-miklunen hivunikhami; unalo
- Monagilotin aneagitaakni polakpaklogolo monaktin kagugugaekpan.

Ilitokhaktayageakakik pikaktokaknikan kanokli?

Ilitokhakniga takukhaoyokaknikan tigukluknik C-mik, tohaguminaktok una havaotikateakan, tigukluknik C aneagutaohoelaktok. Amigaetun pilaktatin aneagitaakni. Monaktivin okakvigiyageakaktaatin ukuniga:

- Monateaklogo tigoen aneakpalagitaagani;
- Monagilogin aalan inoen tigukluknik C-mi aneagutikagitaagani;
- Monagilotin ahenik tigukluknik C-mik aheniklunen aneagutininik HIV-tun tigukluknik B-miklunen; unalo
- Ihoakhaotininik tigukluknik C-mik humilo hivunikhiyotikhanik piyaakni.

Itkaomalotin

- Tigukluknik C kupilguk tigukmeginaktok. Heamayakpaktok aalatkenin aoknin aokmun kahakhiyotininik tigukluknik C talvanetilogo;
- Inuk tigukluknik C-mik aneagutikakhaalaktok ukeoni mihiknaetkaloakhoni, kupilguk pikpaleokpaleayotigaloaktologo tigukmik;
- Kaoyiyotaoyok inuk tigukluknimik C-mik aneagutikakmagaa ima ilitokhaktayageakakik;

- Ihoakhaotikhakaktok tigukluknik C-mik aneagun. Amigaetun inoen inikhivaktun ihoakhaotikhanik aneagutaekpaktotiklo;
- Tigukluknik C anealakiyutaolimagitok aktoknikun ila ikitikpan, kuniktokalunen, tigutikpatalunen haneaneniguvilunen takyoktum kalaktoktuvlunen;
- Tigukluknik C imakmetitok nikinilunen; unalo
- Nalohoekpaklotin. Ikeyoktuhakaktok.



520 – 1 Nicholas Street
Ottawa, ON K1N 7B7
Tel: 613-238-3977
Fax: 613-238-1787
www.pauktuutit.ca